

Čampara Safet



Nakon kratke i teške bolesti u Sarajevu je 31.10.2002. godine umro naš kolega Čampara Safet, geodetski inženjer.

Dženaza je obavljena 01.11.2002. godine na gradskom groblju Bare.

Kolega Safet je rođen 19.12.1937. godine u Sarajevu. Po završenoj osnovnoj školi i šest razreda gimnazije upisuje se u Geodetsku tehničku školu u Sarajevu, istu završava sa uspjehom 1960. godine.

Iste godine zapošljava se u Geodetskoj upravi N.R. BiH geodetska sekcija – Sarajevo gdje ostaje na radu do formiranja Geodetskog zavoda 01.01.1962. godine.

Vanredno upisuje Višu geodetsku školu u Sarajevu i istu uspješno završava 1975. godine. Kao i većina radnih kolega angažovan je gotovo čitav radni vijek na poslovima premjera BiH, počevši kao izvođač, tehnički kontrolor a zatim i rukovodilac.

Nabrojaćemo samo jedan dio tih obimnih radilišta odnosno radova: Posušje, Prijedor, Maglaj, Brčko, Glamoč, Tuzla, Doboj, Banja Luka, Sarajevo, Gradačac, Fojnica, Livno, Gacko itd.

U toku rata cijelo vrijeme je u Geodetskom zavodu na radnoj obavezi u namjenskoj proizvodnji. Po završetku ratnih dejstava kao rukovodilac sektora "Inženjerska geodezija" daje veliki doprinos organizaciji i proizvodnji. Mora se pomenuti da je i u toku rata ovaj sektor pod veoma teškim uslovima obavljao postavljene zadatke.

Iznenadna bolest prekida njegove aktivnosti, a 31.10.2002. godine zauvijek nas napušta ali o Safetu, popularnom Saji, mnogo se još može pisati, govoriti i sa sjećanjem na njegovu druželjubivost, marljivost, sve uz široki osmjeh i duhovite viceve i tako punih 40 godina. HVALA mu za sve što je učinio za geodetsku struku i Geodetski zavod – Sarajevo.

Njegovi saradnici, kolege i prijatelji sa tugom će se sjećati SAFETA – SAJE.

Esad Drljević